

Deporte Local

Edwin Dirksz

Futbolista internacional Arubiano a bai sosega den brasa di Señor




E legendario futbolista Arubano a bai laga nos, E futbolista di siglo pa FIFA a laga bon number atras corn° un talentoso futbolista. Edwin a nace na Aruba y a cuminsa hunga futbol cu un edad hoben, tanto den seleccionnan di Aruba y Antillas Hulandes. Mi conoce Edwin semper hungando pa RCA. E tabata un futbolista masha stima na Hermana Isla Corsow.

Cuminsando for di decada so bin ariba el a participa den hopi seleccion di Aruba y Antillas, na torneonan

di futbol, na Centro America y Caribe y cu giranan pa Europa. Edwin a yega di ricibi oferta pa hunga profesional cu America F.C. di Mexico. Den e tempo ey America tabatin un Cura-soleño hungando cu nan cu tabata Ronald "Pong" Martel. Pero Edwin a rechaza e oferta pa stima Aruba su trabao y RCA.

Un tempo Edwin a yega di train cu club Jong Holland di Corsow. Jong Holland a caba di cumpli 100 aña pero final di cuenta e a regresa Aruba pa sigui

cu su RCA stima. Casualmente RCA y Jong Holland ta bisti mesun rood wit blouw. Mi ta corda Edwin for di aña 1965 den copa Antillana desde e aña ey. Mi tabata hunga pa Jong Holland sub champion Scherpenheuvel na 3 lugar y Tropical di 4 lugar. RCA tabata e prome club di Aruba pa bira Campeon Antillano di futbol. Den e tempo ey mi ta corda fuera di Edwin tabata tin Bernabela, Kwidama, Fehi Castro, Ro Jashi, Watty Vos, Veronico "Jonco" y Foyito



Albertsz. Edwin ta asina stima na Corsow cu dor di docter Valdemar Marcha el a wordu condecora pa un Gobierno di Corsow un par di aña atras cu hopi aprecio y valor deportivo. Te ainda tur siman Edwin tawata haya yamadanan di su amigonan futbolista di Corsow, entro otro Valdemar Marcha, Reginald Vidal, Ronald "Pong" Martel, Hubert "Boy" Sambo, Edgar Muelens, Hubert "Iby" Janzen y ora mi mes tin comunicacion cu Corsow tur ta manda saludo y puntra pa su salud.

Cambiando un poco di e tema Aruba ta perde 2 futbolista Internacional cu a bai sosega. Algun siman pasa a fayece Sr. Veronico "Jonco" Albertsz, otro futbolista grandi cu Aruba a procrea. Casualmente tur 2 a hunga pa den RCA na aña 1965 despues "Jonco" a pasa pa Estrella F.O di Santa Cruz. Mi ta corda un gol historico di Jonco Albertz contra di S.U.B.T e copa Antiyano na 1969 cu un tiro lihe for di middenlijn, ta soprende e portero di S.U.B.T esta Oslin Delanoy cu un golazo cu

a pasa te na 99 grado y cu e gol a laga S.U.B.T den tereno den e ultimo seconde di wega y score a sali 3-2 pa Estrella. Jonco tabata un gran futbolista y cu un tremendo shot den su pianan. Veronico "Jonco" Albertsz sosega na paz y condolencia pa su famianan. Bolbiendo bek pa Edwin, e tabata un gran talento futbolista, hungando den medio campo tanto defensivo cu un resistencia inagotable. Y un cabayero tanto paden como pafor di tereno. Edwin ta un di e futbolista nan cu a nace cada 100 aña. Tin varios ex futbolista nan di Corsow cu ta preparando pa biaha pa Aruba pa rindi e honor na su entierro. Edwin lo keda como inmortal den futbol Antillano mescos cu hopi cu a bai nos dilanti caba. Lo bo keda como un celebrity den futbol di Aruba y Antillas. Edwin for di aki na number y henter e pueblo di Corsow un condolencia ta bay pabo famia y nos ta desea nan hopi forza den es momento nan aki. Edwin sosega na paz.

Bo fiel amigo Ronny Elizabeth